

新城縣志



新城縣志目錄

卷之一 圖式志

縣境圖 縣城圖 縣治圖 學宮圖 諸河圖（原缺）

卷之二 方輿志

分野 疆域 四至 八景 形勝 沿革 山川

河議 風俗

卷之三 建置志

縣治 城池 官衙 學宮 學田 壇廟 寺觀

行署 鎮 鄉 街 市 村莊 橋梁 坊表

部鋪

卷之四 食貨志

戶口 土田 歲賦 徭役 馬價 鹽鈔

馬政 物產

卷之五 典禮志

公式 祀典 鄉飲 鄉射 賓興

卷之六 官師志

縣尹 監縣 主簿 典史 縣尉 知縣 縣丞

主簿 典史 教諭 訓導

卷之七 選舉志

徵辟 進士 舉人 恩選 歲貢 武秩 例貢

吏掾

卷之八 人物志

名賢 寓賢 封爵 善行 孝友 隱逸 壽耆

貞節

卷之九 恩恤志

封贈 祭葬 錄廕

卷之十 綸音志

勅諭 誥命 勅命 諭祭文

卷之十一 綜纖志

災祥 古迹 丘墓 仙釋 雜識

卷之十二藝文志上

奏議記

卷之十三藝文志中

傳序

卷之十四藝文志下

贊詞文詩吟歌疏誄

新城縣志卷之十 綸音志

叙曰：昔人有言，王言如絲，其出如綸；王言如綸，其出如紼。正考父之銘曰：一命而偃，再命而僂，三命循墻而走。良以君恩之重也，一介韋布，襲寵

楓宸，

誥勅褒嘉，則光生里閭；

祭葬享祀，則恩被泉壤。榮遇一時，華袞千載。古人於君

恩一飯不忘，而矧其昭昭然播在琬琰者乎？揚厲表章，

則司筆札者任已。作

綸音志。

親 垣 具 元
勅諭

皇帝勅諭都察院右副都御史畢亨：今特命爾巡撫甘肅等處地方。訓練軍馬，撫恤士卒。整飭盔甲器械什物，修理城池關堡墩臺。兼理屯田糧儲，禁革奸弊，均分淮田水利。嚴禁興販私茶，關防經過朝貢番使，撫治附近羈縻番屬。尤須禁約管軍頭目，不許貪圖財物，科剋下人，及役占軍餘，私營家產。違者輕則量情發落，重則奏聞區處。凡軍民詞訟，及利有當興，弊有當革者，俱聽爾從宜處置。其一應邊務事情，須與鎮守總兵等官會同，從長計議停當而行。副參而下，俱聽節制，不許偏執違拗，有乖大體。朝廷以爾

才堪委托，特茲簡命。爾宜勞心殫慮，輸誠效忠，嚴明賞罰，振舉兵威。遇有警急，與各官同心協謀，相機行事，務俾懾伏。地方寧靖，斯爾之能。如或處置乖方，偏執誤事，責有所歸。爾其慎之。故諭。

皇帝勅諭都察院右副都御史畢昭：今命爾巡撫山西地方，兼提督雁門、寧武、偏頭三關兵備。爾宜嚴督各關，操練軍馬，整頓器械，修築城池、墩臺、關堡，兼督糧儲。遇有緊急賊情，即便相機遏殺。凡一應軍機、邊務，須與鎮守太監併副總兵官，公同計議停當而行。守備、兵備等官，悉聽爾節

制。無事之日仍回山西，巡撫腹裏地方。撫安人民，提防賊寇。督令各屬修飭武備，不許廢弛。且彼處人民供給各邊糧草，負累艱難，爾須加意撫恤。非奉朝廷明文，不許擅自科役。其有司衛所官員中間，果有貪績酷暴，虐害軍民，及各關管軍頭目人等，敢有私役軍士，包納錢糧等項，爾即依律究問。應具奏者，奏來處置。其軍民詞訟，重則送巡按御史并所在問刑衙門，問擬發落；輕則就便量情懲治。爾爲風憲重臣，受茲委任，尤須持廉秉公。正己率下，毋或纖毫不謹，致人作弊。其巡撫合行事務，并禦寇安民方略，悉聽爾從宜處置具奏。不許偏執己見，處事乖違，貽患地方。

爾其欽承朕命，故諭。

勅山西布政使司右參議王重光：先該行邊大臣奏稱，宣府地方錢糧數多，詞訟浩繁。止有分巡官一員，已允所請。今特命爾前去分守口北道地方。撫安人民，督徵各項錢糧，兼理軍民詞訟。在於宣府鎮城駐劄。每年分定分守官。上半年分巡官，下半年各出巡。遍歷城堡，稽查倉庫錢糧多寡。禁革一應奸弊。巡訪各官賢否。巡回日，將行過事迹開送撫按官處，以憑奏報。所屬地方官員、軍民人等，敢有故違禁約，徇私作弊者，輕則量情責罰；重則拿問如律。應

奏請者，請奏來聞，仍聽鎮巡官節制。爾受茲委任，須持廉秉公，正己率下。務俾錢糧充足，奸弊不生，邊方獲安，斯稱任使。如因循怠忽，曠職廢事，責有所歸。爾其勉之慎之，故勅。

皇帝勅諭都察院右副都御史王之垣：今命爾巡撫湖廣地方，兼提督軍務。操練兵馬，整飭邊備，撫治民夷，清理屯田，預備糧儲，禁革奸弊，防察奸宄。遇有盜賊生發，隨即剿滅。及近年該省地方，連被水災，民不聊生，尤須多方稽處賑濟，并將水利堤防事務着實用心。整理官吏，有能奉

公守法修舉政務者，量加獎勸。其貪酷不才，害人誤事者，從實黜罰。軍民詞訟，若有告訐贓私等項事情，干礙軍職及文職五品以上者，具奏拿問。其餘就拿送所司問理。分守、守備以下官員，悉聽節制。其貴州黎平一府，亦聽統屬。爾爲憲臣，務體朝廷憫念軍民之意，持廉秉公，正己率下，興利除害，撫恤軍民，俾地方寧靜，人民安妥，庶副委任。如或處置乖方，責有所歸。其如勅奉行，故諭。

皇帝勅諭河南按察司副使王象坤：朕惟自古帝王治天下者，率以興學育材爲首務。我國家稽古建學，特用憲臣以

督之，任至重也。邇年以來，法紀漸墮，士習窳惰，以致教化壅於上，風俗敝於下，朕甚患之。今特命爾往河南巡視，提督各府、州、縣儒學。爾尚端軌儀，崇經術，精其藻鑒，勤其課程；嚴飭責之條，公獎撥之典；毋眩華而遺實，毋避怨以市恩。務俾學術還淳，中有實用，以稱朝廷作新人才至意。時惟爾功。如或蹈常襲故，違命曠官，亦惟爾之罰。爾其欽哉。所有合行事宜中，明條示于后。其慎行之，毋忽。故諭。

皇帝勅戶部員外郎王之輔：該科臣題稱，四方灾報踵至，亟

宜破格賑恤。朕念各處被灾百姓饑饉流離，特允所請，命發太倉并太僕馬價銀兩，選委廉能任事司屬官員，前往重灾地方分投賑濟。今特命爾賚帶銀兩，前去山西查照該部題准事理，會同彼處撫按官，慎選實心任事有司官員，將被灾人戶着實審查的確，計口給賑。務須放散如法，使饑民各沾實惠。不許任憑里書人等，侵冒作弊。一應合行事宜，應與撫按官議處者，從公計議而行。其各府、州、縣承委官員，悉聽爾會同撫按官嚴加稽考，遵照官擬等格分別薦獎論劾。事完之日，通將賑過貧民，用過銀兩，各數目造冊奏繳。爾受茲委任，尤當持法奉公，悉心經畫，務使惠溥

人安，以付朕軫恤小民至意。如或遷延疏玩，具文塞責，罪有所歸。爾其欽哉。故諭。

勅監察御史耿鳴雷：今命爾前去督理通惠閘河，兼巡視京、通二倉。收放糧斛，禁革奸弊，不時往來巡歷河道。一應事宜悉照部議施行。如有奸人盜決河防，捏造浮言，沮撓國計，及官庫侵尅糧米腳價，該倉官攢人等收受留難，應拿問者，就便拿問，應參奏者指實參奏。通州、漷縣、武清、天津衛有司，係該京邊倉儲河道附近衙門，各正、佐等官，聽爾管屬。仍查照該部近覆事理，責成天津、霸州、密雲、昌

平、薊州各兵備道，每年趁糧運未至之先，將河道畫地分委管河官，督令各照信地，凡遇淤淺去處，多方設法疏濬，俾糧船且達通州。如或仍前怠玩遷延，或將管河官別委，遲誤漕船，聽爾不時參究。差滿之日，仍分別功罪，一體舉劾。爾爲憲臣，受茲委任，務要區處停當，有裨國計，斯爲爾能。毋得縱奸作弊，致妨河運。爾其慎之慎之。故勅。

皇帝勅諭太子太保提督九邊軍務兵部尚書王象乾：卿以文武大略，揚歷中外，茂著勛猷。屬者封疆多事，帷幄需人，時以廷推起用。卿其聞命趣裝，星馳赴闕，不得循例控辭，

庶見急公大義。用副簡任，以濟時艱。茲命該部遣官勅召。如勅奉行。

皇帝勅諭太子太保兵部尚書兼都察院右都御史王象乾：

朕嗣服之初，深惟安攘大計，屬遼事孔棘，九塞繹騷，特召卿還本兵，居中調度，尋以卿請集廷臣議，聽卿以樞臣行邊。惟茲薊門，京師左轉，扞禦東藩，爲肘腋重鎮。命卿仍兼憲職，行制臺事。所有總鎮事宜，具載專勅中。原題諸鎮薊遼、保定、宣大、山西并延固等處，俱屬控制。除調發兵將，緩急策應，其餘各鎮軍情重務，暨內地軍實急需，期會